

中華民國郵政局特准掛號認爲新聞紙類

紹興醫藥學報

第十二卷第十二號

中華民國十二年十一月二十日出版

紹興醫藥學報第十二卷第十二號

(原一百四十期)



編輯者 紹興裘慶元吉生

發行者 紹興醫藥學報社

印刷者 紹興印刷局

分售處 各省各書坊

定報酬書

十二年月報價全年十二期仍一元二角星刊價全年五十期仍六角另加郵力本國及日本每期各五釐邊省每期各一分外洋各國每期各三分本埠自取者不加除廉價票定報及代派已有他酬外凡匯款或寄郵票一百零五分作一元或寄各種內國公債票一照到日以中市計算一在陽曆十二月內定月報一份者贈值洋二角之要藥選一部定星刊一份者贈值洋一角之看護學問答一部月報星刊並定者贈值洋三角之學醫便讀一部多則類推空函恕復過期無效

閱報者鑒

啓者尊處豫定敝報至本期已經寄全務祈

惠欸續定俾再按期郵奉

並望推廣爲禱特此佈聞

紹興醫藥學報社發

行部敬告

紹興醫藥學報

十二卷十二號

循例酬勞代派者

本社對於各地代派處之推廣本報不遺餘力每年十二號發行完竣查得派銷最多數者一位與次多數者二位以各處惠購書籍轉贈或本社自加贈品以答厚意而資鼓勵茲將今年最多數與次多數及贈品開列於後

【計開】

廣西林友生君代派六十份最多數

贈醫部全錄一部值三十元

北京程一哉君代派五十份次多數

吉林賀初善君代派五十份次多數

各贈試藝選刊二十部

【注意】明年本報力圖改革各地代派

諸公能更格外推廣本社仍備值洋

三十元之孤本醫籍數種奉贈銷數

最多者諸公雖志不在利然亦聊助

興趣已耳至本報之星期增刊內多

關於病家事尤易推銷凡代派最多

者亦當有贈
本社特白

閱報者鑑

一 本社自七卷十二號報端宣佈信誓凡每年十二冊按陽歷每月二十號出版不誤日期數年以來踐行不爽現已出至一百四十期信用昭然明年已出十三卷仍當確定每月二十號為出版期以慰閱者之望閱者諸君因多年定閱以為本社必按年接寄往往於十二號報收到後不再函訂致本社不敢續奉數月後函來補定乃已出之報不能一時再版補送此次報到後務希函重訂定報必請將報資洋一元二角郵力洋六分一將報資洋一元二角郵力郵匯之處須以五釐或一分之郵票代之星刊每年六角郵寄八角五分各代派處繳欸仍照舊章惟定報份數亦祈於本號報到之後即行訂定本社以便十三卷一號之報可先期寄上

醫藥衛生季刊出版

預告

本會成立數年會員散在各省進行事
未會計報告及對於醫藥界之主張學
說之發明皆非有特刊之出版物不足
以資宣傳而專記載爰定發行季刊內
容言論學說衛生講演錄醫藥界消息
本會紀事會員通訊會員錄雜纂等門
洋裝一厚冊定價每期三角預定全年
一元郵力每冊三分蒙古新疆加倍外
國四倍廣告價凡底面外頁與論前爲
特等每期二十元預訂全年六十元其
餘爲普通均減半定報訂登廣告款均
先惠空函恕復本會會員報費免收春
季第一期已從事編輯海內同道無論
已未入會惠函見教或投稿各門均甚
歡迎會員常年費尤望早繳

紹興城中中華全國醫藥衛生協會啓

中醫雜誌四期出版

本會成立已逾一載提倡醫學不遺餘
力發行雜誌海內風行自一二三期出
版後備荷遠近醫林同聲交贊本會同
人益深奮勵第四期茲已出版內容豐
富議論精闢仍售大洋兩角函購者本
埠加寄費一分外埠二分購滿六冊者
收大洋一元一角十二冊者收大洋二
元郵費照加唯第一期已售罄而來購
者仍絡繹不絕本會特爲優待普及起
見待滿一千部後當付再版以答雅意
再本雜誌卷帙繁重印刷精良成本浩
大賠累甚多擬從五期起價目或有增
加以資補貼特此附聞

上海西門內石皮弄中醫學會謹啓

瘋濕骨痛使我畢生困苦

韋廉士大醫生紅色補丸清我血液增我新血使余之瘋痛得全愈矣

也然韋廉士大醫生紅色補丸非但能治瘋濕骨痛且曾經治愈無數之患
 血薄氣衰 胸肺萎弱 腎尻酸楚 腰背疼痛
 皮膚諸恙以及婦科各症尤為神效 凡經售西藥者均有出售或直向上海
 四川路九十六號韋廉士大醫生藥局函購每一瓶中國大洋一元五角六瓶八
 元郵力在內



韋廉士大醫生紅色補丸係才智超羣之英國名醫所獨力創造其行世已歷三十餘年之久每日通行暢銷在天下各處即歐洲美洲澳洲亞洲各埠是也以下保證書係由緬甸華埠甘景生先生所寄示也甘君來函云余曩時曾患瘋濕骨痛極其沉重痛不可忍猶如針刺使我異常困苦因而不能辦公難以舉步聘中西名醫遍嘗各種方藥欲冀瘋痛全愈豈知非但無效反且疼痛尤為前尤甚更兼喉間疼痛尤為慘苦頻增也正在無可奈何之際幸而友人過訪舉薦試服韋廉士大醫生紅色補丸余深感余友舉薦之大德因余初服紅色補丸一瓶即見功效喉痛稍止腰背四肢疼痛驟減胃納增加是以精力漸見復原於是耐心續為購服瘋痛全消且身體較前更為強健余確知余之血液為紅色補丸所更正血氣加增皆紅色補丸之功

紹興縣西橋南首和濟藥局發行常備要藥及書目

消暑七液丹 每方二分

立消痲子粉 每袋二分

滲濕四苓丹 每方二分

萬應午時茶 每方一分

查麩平胃散 每方分六

痧氣開關散 每瓶五分

急救雷公散 每瓶一角

霍亂定中酒 每瓶一角

回陽救急丹 每兩二角

急痧眞寶丹 每瓶一角

瘧疾五神丹 每瓶一角

痢疾萬應散 每瓶四分

喉症保命藥庫 每具一元

沉香百消麩 每方分四

樟腦精酒 每瓶二角

葉氏神犀丹 每顆三角

太乙紫金丹 每顆三角

飛龍奪命丹 每瓶一角五分

開閉煉雄丹 每兩八角

立效止痛丸 每瓶三角

厥症返魂丹 每粒三角四分

萬應保赤散 每瓶四分

金箔鎮心丹 每瓶三角

肝胃氣痛丸 每瓶二角

鴉片癮戒除法 二册三角

增訂醫醫病書 二册五角

痰症膏丸說明 一册一角

先醒齋廣筆記 四册一元

喉痧證治要略 一册六分

臨證醫案筆記 六册一元二

辨舌指南出版

曹炳章編撰分訂六厚册布套一函用上等連史紙石印每部定價洋二元正七折實洋一元四角外埠加郵費一角一分連掛號在內其內容要目已詳本年紹興醫學報第六期曹君緒言中此書皆自關於中西醫診斷上實驗之必要凡我同志皆不可不備此書也書已發行購請從速

彩色精圖
中西彙參
詳本年紹興醫學報第六期曹君緒言中此書皆自關於中西醫診斷上實驗之必要凡我同志皆不可不備此書也書已發行購請從速

紹興醫學報社亦有代售

紹興醫藥學報第十二卷十二號目次(原百四
十期)

學術

(一) 社友醫案存要(續一百二十六期)

寒霍亂治驗

歙縣胡天宗

霍亂治驗

鎮江楊燧熙

喉蛾治驗

崇明刁質明

失血後欬逆治驗

鎮江楊燧熙

失血異症治驗

崇明刁質明

暑溫夾濕治驗

前人

喉癰治驗

前人

簡便方治驗

方城李程九

喉症治驗(甬江王行甫診)

仲圭記

目次
第...卷...號

興化趙梅仙醫案摘錄

徐召南輯

深竹軒醫案存要

蘭谿施子泉

氣脛治驗

常熟張汝偉

項強治驗

前人

時痧治驗

前人

知古齋醫案(續前)

徐召南輯

(二)社友讀書記(續一百二十三期)

讀內經隨筆三

周逢儒

陸九芝論吳又可瘟疫篇書後

張山雷

莊在由遂生福幼篇書後

張山雷

書嚴癡孫女科醫案選粹後

陸錦燧

內經四氣調神大論今義(未完)

徐韻英

雜著

(一) 證治要論(續一百三十九期)

眼科內障秘訣

再歸熱

論痲症

傷寒傳足不傳手辨

(二) 社友通訊二集(續一百三十九期)

覆徐召南君

覆張壽甫先生書

覆黃惺齋君

致周小農君

覆劉蔚楚君

諸城王肖舫

和縣高思潛

諸暨何志仁

諸暨何志仁

和縣高思潛

前人

前人

劉蔚楚

周鎮

致周小農君函

答陸晉笙君函

覆王秋崧君

覆湖南劉君叔純

致周小農君

覆盧育和君

問醫書必須研究者

答問醫學切妥之書

致周小農君商輯古今醫書輯要

覆陸晉笙君

致諸道長函

陸錦燧

周鎮

陸錦燧

葉勁秋

盧則鍾

周鎮

曾炳棠

周鎮

陸錦燧

周鎮

竹餘祥

寒霍亂治驗

歙縣北岸南村胡天宗

唐坑方順閔年逾二旬於本年陰曆六月十一日爲人工作勞力挑負重擔奔走長途是晚歸家無恙飲食照常睡至半夜忽然腹痛吐瀉發熱畏風直至天明嘔利無數度次延伊族方某診視不辨其寒熱虛實遽投柴夏梔芩查柚葛根竹茹等味服後吐瀉愈勤又進雷氏痧丸及行軍散甚至汗淋遍體膚冷如水更增手足拘急少腹吊痛舉家驚惶延至十二下午請予赴診輿至其家悲聲震宇衆人以爲無效余按兩手脉無氣息奄奄肌冰汗冷口唇爪甲色白眼眶深陷音嘶螺癩口渴苔白帶烏得飲則嘔嘔吐清水瀉稀不臭望診視面部眼肚泛黑兩顴色烏少神揣度症情必夾房慾而致病也余對病人之母曰汝子病非一端恐兼房事偶不精細禍危旦夕斯時關係生命速問汝媳有無其事不可隱瞞其母問媳直言上夜不諱房事後醒來腹痛病作吾聞之可爲放胆投藥矣夫病得其機要於勞力必傷脾陽色慾必

敗命陽急令外治用陳艾葉四兩濃煎湯水以巾揩拭病人周身以高粱酒使人拍其手腕足腕隨給附子末作餅如錢大貼關元穴用艾火灸七壯移時腹鳴肌溫轉筋乃定進飲嘔止神清音起此真寒直中厥陰坎中真陽爲寒邪所逼故有陽亡於外魄汗淋漓下瀉上嘔陰陽脫紐主用大劑當歸四逆湯增減出入藉辛雄性烈挽正陽回余就書案云負重途勞傷脾傷腎且不惜身恣情縱慾精氣大泄元海頓空百節弛張則寒邪乘隙而入先犯太陰繼及少陰又侵厥陰經循毛際繞陰器入少腹貫膈循喉脉絡遂滯如是少腹痛引陰中攻及胸腕揮霍撩亂吐瀉交作四肢逆冷冷汗淋漓目陷神倦六部脉無周身陽脫線風可怕寒症是明病勢堪虞命危旦夕如塞翁之失馬竭棉力以維持蓋厥陰爲三陰之裡五臟中至深之處治宜苦以泄濁辛以通陽重劑投之庶乎挽救方候高明

米炒路黨 二兩

山萸肉

八錢(酒煮)

肉桂 五分

熟地 八錢 生懷山藥 一兩 泡附片 二錢

淡干薑 一錢 吳 萸 八分 炒川連 五分

桂 枝 八分 炒白芍 三錢 酒炒木瓜 三錢

酒炒當歸 五錢 白扁豆 四錢(打碎) 土炒祁朮 二錢

炒神朮 四錢 水炙西草 一錢半 地漿水 煎服

細辛水炒五味子 六分

右方一劑而肌溫脈起次日復診減去薑附桂萸加藿斛黃芪各三錢服兩劑而康強矣此所謂益火之源以消陰翳願吾歛之業醫者遇重症必須胆大心細不可與人菓子藥誤人生命臨診當負司命之責任為己命也

霍亂治驗

鎮江楊燧熙

鎮江南門陳里千年逾天命因奔馳道路(約七十八里在午分時未帶洋傘草帽

等昨見新申報云日本行路者人畜皆暈倒真可謂赤日當空燦石流金也該處平民室內熱度九十餘分工廠室內一百餘分三十年來所未有如此之炎熱也一腹饑未食回里後即心中懊懣難以名狀腹痛不已先便泄泄乃老黃色水後吐吐係黃稠水液（黃稠屬熱）頭痛身熱無汗吐瀉十餘次即爪枯螺平未癩口渴欲涼飲飲入即出唇紅齒干甲赤肢冷六脈如無舌苔干黃壘進痧丸痧藥並薙髮匠針刺未效舉家惶惶覺無挽救邀熙決之熙曰尙有治法此熱霍亂也勿以肢冷而投辛溫之劑由暑邪內蘊先瀉後吐者乃多行傷氣飢飽失時脾胃兩傷脾先傷則先瀉也心中懊懣者邪鬱不伸也腹痛不已者清濁混淆而失升降也瀉老黃色者熱也頭痛者暑熱上升火性炎上也身熱無汗者暑邪從外而入內此時由內而達外俾得小汗即可熱解忌投發表之品爪枯螺平者按爪螺乃臟腑之末梢氣血之外候經脈之苗竅猶樹木之枝也若欲枝盛必灌其根渴欲涼者暑熱傷陰也飲入即出

者胃熱過度而失冲和之令不下即上出也唇紅齒乾者熱象也甲赤肢冷者甲乃肝之餘氣肢屬於脾脾肝陰虛熱厥也而與寒厥甲白肢冷迥然不同也（用扇搗之立時判決熱厥喜風寒厥畏風）脈如無苔干黃者乃邪熱傷陰水不上承也拙擬神效除痛散服之腹痛已除時疫奪命散（二散功效見紹興醫報月刊第十卷第十一號）嗅入頭痛懊懣均效內以蠶矢湯去半夏吳萸加天水散桑菊等解毒活血湯加荷葉藕汁二劑後熱退汗伸肢和脈起舌潤渴除吐瀉漸平後以竹葉石膏湯駕輕致和二湯去香豉橘紅加燈心蘆根出入服之諸恙皆除最後致和湯調理不一星期而康健如初矣（湯中藥品錄左以便初學參考）

蠶矢湯 晚蠶沙 生苡仁 大豆卷 陳木瓜 川連 製夏 芩 通草

梔 陳吳萸

解毒活血湯 翹 絲瓜絡 淡紫菜 石菖蒲 連 蠶砂 紫地丁 益

母草 生苡仁 銀花

竹葉石羔湯 竹葉 生石羔 夏 人參 麥冬 秫米 草

駕輕湯 竹葉 生扁豆 豉 杷葉 橘紅 斛 陳木瓜 梔

致和湯即駕輕湯去香豉 橘紅 焦梔 加潞參 麥 陳倉米 草

喉蛾治驗

崇明刁質明

沈元標年廿歲強明鄉人季春間患連珠喉蛾前醫投羌活薄荷荆芥射干梔子甘
桔之類服之症象有增無減請予診治脉象右寸關浮數左關兼弦苔色薄黃咽
喉白點紅腫小舌下墜乃連珠蛾之症也係風熱上犯肺胃氣分不能宣達昔賢
云氣熱則痺故清竅不利也擬進清熱熄風解毒爲法外吹珠黃散

潤元參 三錢 川貝母 一錢 粉丹皮 二錢

剖麥冬 三錢 川石斛 二錢 大連翹 二錢

蘇薄荷 錢半 金銀花 三錢 菘豆衣 三錢

淡竹葉 一錢 象貝母 一錢 白桔梗 四分

川梗通 五分 生甘草 六分 水煎服一劑愈

失血後咳逆治驗

鎮江楊燧熙

鎮江文藻齋筆莊周子因騎驢不慎傾跌於地則氣墜而逆亂血行失於常度加之素有勞力以致失紅成盆成盃（陽明多氣多血）邇來紅止欬不止痰多食少苔黃舌有珠點診脈弦數無力投方（列後）獲效蓋天下無逆流之水逆者由乎風也人身無倒行之血倒者由乎氣也故人身之血若水氣若風風行則水動氣行則血行血不自行隨氣而至氣爲血之帥也故氣升則血溢氣降則血止氣固則血盈氣衰則血弱氣陷則血脫治法大綱上焦之血宜降氣則止（蘇子川連等）下焦之血（崩漏便血等）宜固氣則止（參芪朮草夾瘀宜慎）自然之理也（見條辨）故云血

脫者益其氣然此乃指虛症言也倘陽旺陰傷君相不平血熱者當以犀角地黃若
投益氣焉有效乎經以陽絡傷則血外溢又云血熱則妄行也夫血屬陰本主乎靜
而如波瀾（風平則浪靜）生於心藏於肝統于脾宣布於肺司納於腎不求有形之
血但求無形之氣氣復則血生也肺無因不咳（五臟六腑皆令人咳）絡不傷血不
出靈胎有云吐血不死咳嗽必死（見徐氏醫書八種）因震傷絡脈與元海也比之
樹欲甯而風不息血欲止而咳不平閱所服方甘補辛通辛溫苦寒甘寒逐瘀（甘
能壅氣補恐濁陽不降辛能耗其氣陰）等無一不備非根治也血去陰傷陽浮於
上肝升有餘肺降不足則痰滯血瘀鬱而不化清肅冲和條達皆失責也非合拍之
方無益反害陰傷者以二冬二地二至（女貞旱蓮）石斛阿膠珠陽浮者以潛陽之
品如三甲（牡蠣鱉甲龜板）海參真珠母東海夫人豬腰子不外育陰潛陽以使陰
生陽藏即經以承乃制也肝升者大旨因肝陰不敵其陽化而爲火火灼金傷則肺

陰不足爲氣上咳逆也若欲止咳必求其因而察其本佐以知貝青黛杷葉絲瓜絡蘇子苦杏川鬱金荷葉桑葉杭菊丹參紅糖炒查肉藕節穀芽扁豆衣金橘皮等等出入爲方調理未兩星期即霍然全愈倘風熱之咳宜辛涼風寒之咳宜辛溫暑咳宜清濕咳宜燥燥咳宜涼火咳宜寒勞咳宜逸酒咳宜戒不可同日語也痰滯者切忌見痰治痰當補偏救弊隨波逐流每見服陳夏南星滾痰丸多劑而津液被化痰之劑愈化愈傷痰固未除反增他症不知濕者卽津也津充則肥津薄則瘦故經以肥人多濕濕者爲水分也當保存之（去其半則止見內經）能制身中之陽豈可忽乎蓄瘀者血症常見一因氣滯滯則血瘀一因止血（如補澁劑倘不蠲除難免復萌）至止咳之法於此症大旨詳明雖得效果恐掛一漏萬就正 有道

失血異症治驗

崇明刁質明

閏月初五日明上午出診至下午三句鐘回舍友人黃佩青領來一婦年二十八歲

住大生二廠南強明鄉人是包學義之夫人請予診治自言昨夜猝患牙縫出血身上有紅紫瘰塊大小不一又不惡寒發熱但胸膈煩悶而熱抑鬱不樂脈細小數舌苔薄紅牙齦微腫齒縫之血鮮紅湧出甚多作陽明內熱論治擬以加減清胃爲主

霍山斛 二錢 黑梔皮 三錢 炒奎芍 三錢

二寶花 三錢 生石膏 四錢 細川連 六分

蘇薄荷 八分 當歸炭 三錢 生地黃 三錢

丹皮炭 二錢 大連翹 二錢 生甘草 六分

鮮茅根 六錢 藕節炭 六錢 煎湯代水煎服

次日邀余往診謂血仍不止更甚於前脈象弦細而右關數大舌仍薄紅中帶黃色血如泉湧口鼻皆有細視牙縫與腮內旁上腭紫紅小點及咽喉旁皆有血出全身之大小瘰塊愈加稠密色紫黑不紅心胃間煩悶肢體並不發熱乃肝鬱怒火傷絡

陽明內熱熾甚血熱妄行之候擬以羚羊地黃加味兩清氣血以救血液未識得奏
膚功否以俟明眼裁政是幸

犀角汁 三分(沖服) 鮮生地 六錢 焦山梔 三錢

羚羊尖 三分(先煎) 炒丹皮 三錢 茜草根 一錢

生明石膏 六錢 剖麥冬 三錢 淡竹葉 錢半

鮮鐵皮斛 四錢 川尖貝 二錢 生杭芍 三錢

生甘草 六分 仍用藕節炭一錢 茅根二兩 煎湯代水

煎服之後至二句鐘以後血漸止矣次日復診口鼻之血已無口中小點及身上癩
塊悉退以清肺胃養陰收功明按此症難以定名既不是牙宣出血又非青腿牙疳
且非大熱發斑之候雖經治愈未識海內名家究斷何名明智識淺陋特請賜教

暑濕挾濕治驗

前人

六月二十日海門下沙海復鎮北陳天樂圩內宋朝棟年三十八歲患寒後但熱骨節煩痛一醫用藿香蘇葉淡豆豉合平胃法服之煩熱甚而便溏一醫投黃連香茹熱瀉稍鬆而脘腹膨滿一醫謂中焦積滯不化用小承氣香茹飲大便通而腹膨稍寬不日仍復如故即來邀余往診病證暑溫挾濕汗出煩熱脘悶咳嗽腹膨溺赤足有浮象脈形左弦緩右細數舌苔薄膩微黃渴飲不已濕熱之邪仍在氣分幸未入榮神志雖清而晝夜不寐初起以少逸清涼滌暑加米仁半夏可以奏效今旬日以來不解擬以清宣氣分化濕熱安神爲法

霍山斛 二錢 魯豆衣 三錢 砂仁壳 六分

雲茯苓 二錢 廣橘紅 錢半 川絲通 五分

雲茯神 二錢 廣橘絡 錢半 製川朴 一錢

生米仁 三錢 淡竹葉 一錢 炒青皮 六分

辰砂六一散 三錢〔荷葉包〕 水煎服

次日復診自言昨晚服藥之後汗出覺胸腹行動噯氣放屁小便長而已能熟寐今辰欲思食物吾服先生之藥卽如仙丹仍以前方再加生熟穀芽四錢又服一劑漸愈

喉癰治驗

前人

倪左二十五歲連豐鄉人症屬喉癰前醫針破稍鬆隔日又腫再針之又能納食延至三日之數遂致湯飲難嚥診脉兩寸浮而左關弦右關細數舌苔微黃咽喉視之不見形色吊惡可見右旁平腫連喉外堅腫此乃肝胃風熱內燔血液被氣熱壅結毒竄內關之故耳初時原有寒熱今肢體已和症經二旬來矣頗非易治之候治以清宣血絡熄風解毒爲主吹以退炎消腫之散藥外圍用家寶三黃散加獨活芙蓉葉象貝生香附研極細末用葱汁白蜜調勻頻搽喉外腫處煎方

南薄荷 一錢 潤元參 三錢 金銀花 三錢

白桔梗 四分 京赤芍 三錢 象貝母 一錢

川貝母 一錢 白茯苓 三錢 淡竹葉 一錢

當歸尾 三錢 大連翹 二錢 淨橘絡 錢半

生甘草 八分 絲通草 六分 水煎服兩劑愈

鬱症治驗

前人

沈不廉之室五十一歲強明鄉人患肝鬱脾弱便溏醫用理中加減及補中益氣歸脾湯溫中散寒等方服之不見效力來敦予治病證肝氣逆而脾氣弱木必侮土脘痛腹疼大便時瀉時止形肉已削眩運食減自汗神疲顯然鬱怒傷肝陽不生陰之故耳脉象弦細而怠緩近遲舌苔薄白治議扶土制木調暢氣血為法病經半年之久草木藥餌恐難奏效耳

土炒白朮 二錢

雲茯神 錢半

陳皮 一錢

酒炒白芍 三錢

雲茯苓 錢半

青皮 一錢

生熟穀芽 四錢

炒苡仁 三錢

玫瑰花 五朵

七製香附 二錢

廣木香 一錢

水炙草 六分

陽春砂 六分

原打淮山藥 四錢

水煎二劑已獲效力又服二劑氣力強而納增請予覆診云藥已大效再換一方
予曰古人云效不更方加黨參三錢連服四劑全愈

簡便方治驗

方城李程九

壬戌春正月初旬毒霧連宵臭氣撲鼻疫癘流行勢所必至是月底偶染喉症因正值母喪未暇調理連服雷允六神丸數次見愈夏秋之交不時復發仍用前藥寡效至七月中旬午刻身作寒冷喉嚨忽然作疼晚間增劇現有白塊惡涎充斥飲食難

下查先君遺集秘方用蒜瓣切破根鬚塞入耳鼻左患塞左右患塞右照方施治不數刻胸膈響動咽喉舒暢惡涎漸減飲食略進安然而眠次早即覺毫無阻礙檢視白塊已消化於無形矣白喉一症勢頗危險治之不得其法變幻最速因係瘟毒醞結治宜清熱解毒切忌發表若用藥不當引毒內陷即難挽救也此方又簡便又爽捷無論城鄉均易購求較之珍貴之品費省而效速曾躬親試驗有效故敢傳播尚祈高明卓裁先君所集並有小便治症等方具有特效某年秋與友人同車入城途中泥濘顛仆難行友人偶觸車上什件大指食指皮破血出頃刻滿手統紅污及衣袖半途無法制止急令其乘熱小便洗之轉瞬息血止痛消及至城內用水滌濾創已合又有感某左掌誤觸火針痛不可忍敷藥不應令其用熱小便洗之登時痛止友人患痔多方無效囑令用熱小便頻洗痔消痛止妙不可言可否登入貴報俾衆周知以廣流傳尤爲至盼此方簡而易行隨身至寶不求諸人方便多而損害少誠

不費之惠也幸勿以其近而忽諸

喉症治驗

甬江王行甫診

仲圭記

某乙患喉症已二年今春三月加劇身熱如潮喉際糜爛白腐纍纍延至十月廿邊因事回梓延愚診視據云晝夜痛甚妨睡礙食身熱大渴然診其脈不過浮大略弦並不數濇已求醫多方無非甘寒辛涼合用甚至有進蘆根者據云服蘆根後疾不稍瘥而背脊惡寒之極愚曰診脈尺部滑大的係近女者流當進甘寒然已服多劑而不效者非甘寒不可用未能熟思其理耳蓋人一身腎爲之根人徒知水屬腎而不知竭其水者命火不安其窟而上越矣斯時熱必愈增渴欲引飲醫者疊用甘寒水不可驟生而火欲熄矣然所謂命火上越者非比高年虛象進附桂而避甘寒蓋當水火兼治也因用大劑六味去澤瀉加二冬知母生草重用附子三錢干姜一錢不用桂者惡其峻也服後熱減渴止痛更瘥矣愚知其利也再令連一帖二診加用

荆防敗毒白芷去濕毒三診參用瀉陰火之法加入升麻蒼朮去荆防餘仍如前約有十三四味一共五診夙疾霍然

興化趙海仙醫案摘錄

徐召南輯

△摘錄利症一則

經云腎開竅於二陰久利必傷水臟加之命陽不充不能生化脾土致陽虛失健閉之權交寅分則腹痛而作利脈象弦細無神面色萎黃欠正已歷半年之久其為腎瀉無疑再延陽氣愈微恐生腫脹歧變擬通攝下法徐以圖之

破故紙 肉蔻 黨參 黃芪 升麻 白芍 荷蒂 吳萸 五味子 冬朮

柴胡 炙草 附片

△摘錄夢遺一則

腎為陰主封藏肝為陽主疏泄腎之陰虛則精不藏肝之陽強則氣不固已延十

年之久脉象弦而且滑總由陰不潛陽陽化內風上騰清竅是以頭眩耳鳴心煩
懊懣寤不成寐異夢紛紜兼挾痰熱內擾所使先擬鎮肝固腎佐以化痰之味存
方候酌

棗仁 龍骨 白芍 桑螵蛸 炙草 茯神 牡蠣 蜜炙桂枝 秫二米
竹茹

▲摘錄血症一則

陽絡傷血從外溢陰絡傷血從內溢吐血便血陰陽俱傷由是肚腹脹大陰霾四
起食入難運大便不實小便短少面目萎黃脉象弦細且數慮其水溢高原致生
歧變擬通陽逐飲法爲法

防己 逐飲散 蒺藜 蘇莖 防風 天仙籐 半夏 砂蔻衣〔各〕 附片
肉桂 茯苓 荷葉絡

系與醫國藥學
△摘錄結胸一則

暑濕未清脾陽未復用東垣法醒脾之中兼行化濕連進瀉心諸方皆無效果舌苔乾黃又轉白膩大便秘胸口結此卽仲景所謂寒水與寒藥相結成寒實結胸之大症也詳於傷寒書中不得已用三物白散盡人力以奪天機

桔梗三分 川貝母四分 巴豆霜五釐 爲末白飲和服不利進熱粥一杯利不止進冷粥一杯

△摘錄不寐一則

挹鬱傷肝肝陽動而生風驚恐傷膽膽火旺而生痰痰熱擾亂於中遂致懊懣心煩莫名其狀多憂善慮多怯善驚頭眩耳鳴肉瞶筋惕寤不成寐寐不交睫蝶夢紛紜脾土不健穀食甚少胃氣不和時而嘔噦帶下頻頻奇脈不能約束也天癸清少氣虛不能生血也甚則哭笑無常發瘕發厥又似癩非癩之象也必須打破

疑團自開懷抱不難與藥餌並功

棗仁 逐飲散 茯苓 茯神 川貝母 廣橘皮 廣橘絡 夜交藤 眞珠母

苦竹根 蘆秫米 生龍骨 生龍齒 燈心草 金器

【附白】右案略摘數條以貢 周君參閱

深竹軒醫案存要

蘭谿施子泉

張左 風襲皮毛久蘊肺系金失清肅致成鼻鳴纏綿兩載不瘥雖無他苦亦頗不爽寸口脈來細澁症屬氣管窒塞勉擬宣通肺竅以麻杏甘石湯加味進之不三劑而患竟全蠲矣

炙麻黃 苦杏仁(去皮尖研) 新會皮 炙甘草 煨石膏 紫蘇子

炙黃耆 青防風 製厚朴

李幼 四肢厥冷聞食則嘔腹痛泄瀉小便清長脾胃虛寒木失疎泄無疑烏梅丸

在所必用但又身大熱煩渴引飲形悴體倦志頹神疲狼狽不堪是屬真陰久虧
肝陽犯胃之兼症如此情形非烏梅丸之所專擅務須加以滋陰煖中之味調之
方能左右逢源

烏梅(醋浸) 細辛 川椒 乾薑 川連 桂枝 當歸 潞黨 川柏

附片 炙耆 麥冬

次診 昨進加味烏梅丸肢厥水泄等症已減大局無虞惟身熱口渴尙不了了者
以肝陽未平陰火熾盛故也治仍前法增損強半專顧陰液佐以平肝扶土

烏梅 細辛 川椒 乾薑 川黃連 川柏 當歸 貢潞 炙耆 麥冬

花粉 元參 茯苓 酒白芍

方幼 脾屬土主濕脾虛土成卑監乃失其健運之常濕遂放浪不羈而肆行無忌

濕鬱化熱濕熱逗留日久下注則腸鳴水泄洩如米汁旋即轉黃上衝則頭汗氣

喘目赤畏光內擾則舌膩苔黃煩渴引飲外淫則身熱如焚肌削形損凶暴若是後患可憂急宜治以分清利濕參之培土舒氣而邪虐自己

白茯苓 小薊 萆薢 廣皮 製厚朴 鮮生薑

氣頸治驗

常熟張汝偉

內子顧氏產後彌月惡露已淨五月初喉中忽起一核形如葡萄突出時偉任職滬上家中遍延中西醫治無效幸內外均不疼痛亦不紅腫閏五月暑假旋里細察情形所腫之處日益以大喉中咽物隨氣上下且白帶淋漓一動即汗因斷爲痰氣壅塞而實由脾胃陽衰之故乃服黨參黃耆白朮白芍香附半夏鬱金烏藥海螵蛸海藻冬瓜子之屬服二帖核漸消再服海藻地栗海帶冬瓜子白朮半夏天葵草等二帖不旬日而全愈矣此症西醫云氣管與胃管間生一慢性之物不得能愈中醫則云此爲痰核不許即消但能不大已屬幸事余獨從其本治而竟獲幸愈不敢秘篋

錄示同人研究

項強治驗

前人

海寧人羅氏患項強不能稍動並不紅腫堅硬苔膩白脈弦數此由臥後隙風襲入太陽俞穴及詢其由果是寐熟時於船上篷未蓋好次早即起云云遂用羌活白芷荆芥防風大貝連翹秦艽海風藤絲瓜絡炙乳沒白蒺藜等二劑而愈

時痧治驗

前人

小女穎和於三月初既感風溫又襲新寒身熱咳嗽目赤頭暈脈數苔白先與疏解以清肺胃方用

牛蒡 蘇葉梗 薑山梔 玉桔梗 大杏仁 象貝母 粉前胡

淨蟬衣 大連翹 焦枳實 豬赤苓 川通草

投劑後寒熱不止汗出不解頭面胸腹常佈時痧神煩洩數唇乾氣熱大便微溏熱

欲下泄宗吳鞠通辛涼輕劑法

蘇子 桑葉 杭菊 連翹 紫苑 薑山梔 杏仁 象川貝 桔梗

通草 鷄蘇散 豬赤苓 代茶 淡竹葉 硃燈心 冬瓜子

痧子透足漸回內熱極甚渴飲躁煩洩赤苔黃膩尖絳與清營化濕法

蘇子 鬱金 沙參 山梔 桑葉 杏仁 淡芩 連翹 丹皮 冬瓜子

生米仁 滑石(蔻仁同包) 節蘆根

諸恙全愈食粥之後連化不靈大便堅結洩長而少咳嗽甚勤右耳癢聾絡中之熱不清小兒之痰每不能吐必從下達也宜與疏絡清營化痰消滯

生枳壳 山梔 連翹 橘紅 橘絡 萊菔子 竹半夏 杏仁 丹皮

益元散 鹽水炒知母 川柏 生米仁 薑竹茹 枇杷葉 一劑全愈

按此症一手治愈不過五日若搖惑陶氏陸氏之說宗陽明論治服梔豉或葛根

等法勢必淹纏或且增劇故特拈出以證葉氏之從肺立論是不謬也

知古齋醫案

徐召南輯

某左 肝失條達鬱則乘脾脾傷則失其轉輸納穀欠少女子以肝爲先天肝傷則蒸燒頭暈心忡天癸期短經前腹痛內有痞塊動無定止經云曰瘕氣滯血瘀痰飲搏積所致擬逍遙散加味治之

秦當歸

杭白芍

春柴胡

淡黃芩

生白朮

粉甘草

蘇薄荷

牡丹皮

黑山梔

香附子

五靈脂

細木通

川黃蘗

川鬱金

青皮絡

玫瑰花

韋右 氣虛脾弱内生停飲挾肝陽上擾清竅故而頭眩目花微痛間嘔或作或輟發則不思飲食苔白底絳脈滑擬方扶土抑肝爲是

南沙參

土炒蒼朮

土炒白朮

白茯苓

粉甘草

製半夏

化橘紅

明天麻 製南星 雙鉤藤(後下) 霜桑葉 杭白芍 軟白薇

採芝麴 生薑汁

劉左 病後陰陽兩傷蒸燒怯寒食旨不甘體倦少神洩帶白濁舌苔薄白底絳脈象弦數肝熱脾濕之體久拖非宜速調爲要

柴胡 川桂枝 青蒿梗 西秦艽 生鼈甲 銀柴胡 六味地黃丸(包

入煎) 青子芩 清半夏 杭白芍 粉甘草 地骨皮 川黃柏 生薑

紅棗 芡苳草

復診 前方去秦艽黃柏加肥知母廣陳皮生芪皮香砂胃苓丸(包入煎)兩劑而瘥

朱幼童 恙由病後土虛失其健運之權經曰脾之積名曰痞氣在胃脘覆大如盤盖脾爲胃行其津液脾不轉輸凝而爲飲搏瘀成塊否塞中宮此痞氣之所由來

也脾氣不運故面色黃滯體倦不舒則懶惰而少神矣舌苔薄白脉象浮滑證勢若此務宜速調若延日久難免土敗木賊之虞

土炒白朮 炙甘草 白茯苓 米炒潞黨參 炒枳實 半夏麩 焦麥芽

川厚朴 淡乾薑 川雅連 白芥子(研) 煨牡蠣(包) 伏龍肝(煎湯

代水) 蒸餅

又二診 脾腎兩傷已經數載大便溏瀉糞後代紅靈樞百病始生論云陰絡傷則血內溢血內溢則後血金匱云先便後血名曰遠血遠血者蓋自脾經而來也腹有痞氣推之不移痰凝血瘀所致今宗仲景法陰陽雙結緩圖爲是

生熟地(各) 土炒白朮 淡附片 杜阿膠(燉化和服) 炙甘草 米炒

潞黨參 生黃芪 上廣皮 綠升麻 春柴胡 秦當歸 炒黃芩 枳實

消痞丸(包同煎) 伏龍肝(煎湯代水)

又三診 案立前方茲不復贅

白茯苓 土炒冬朮 土炒白芍 淡附片 土炒青防風 新會皮 赤石

脂(包) 炮乾薑 荷葉包陳米

周左 風傷皮毛熱傷血脉熱過營絡吸而不出自汗身熱時時振寒已經一月近
四五日來復增咳逆濁唾腥味瘀紫小溲深赤脇肋掣痛胸次不寬時而渴飲舌
苔黃滑尖有紅點脈象兩部浮滑而數證屬肺癰勿可藐視

麻黃尖 杏仁泥 生石膏 粉甘草 片方通 川鬱金 象貝母

廣橘絡 射干 茜草 生山梔 生苡仁 飛滑石(包) 藕節 鮮枇杷

葉(刷去皮包)

又二診 去石膏粉草加香豆豉蘇薄荷桑葉杭菊前胡桃仁萆皮鮮葦根(去節)
沈右 素有腕痛肝強脾弱可知去歲病後脾氣益傷脾傷不能行其津液凝聚爲

痰爲飲挾瘀搏結爲塊盤居臍下臍下爲胞宮血海之所肝胃之所循女子以肝爲先天肝藏血脾統血肝傷不能藏脾傷不能統失其統藏以致信水時下不止晝夜無間已至數月近增腰痛寒熱食旨不甘腰痛者腎帶虛也寒熱者營衛不和也食不甘者脾胃弱也病情屬虛而證屬實虛實挾雜擬方則以攻補兼施各補其偏而救其弊耳

西當歸

粗桂木

天仙籐

製沒藥

杭白芍

細木通

鹽水炒杜仲

粉甘草

五靈脂

生熟蒲黃

鹽水炒續斷

老蘇梗

台烏藥

歸脾丸

薑棗

又二診 肝脾不和脾傷飲聚飲與氣搏爲塊爲痛爲脹食旨不甘微有寒熱頭痛心忡月水淋漓不斷舌苔薄黃脈象弦小而弱正虛邪實久拖非宜防生枝節要

緊

茯苓 土炒白朮 藿梗 鹽水炒杜仲 土炒白芍 粉甘草 直參鬚

淡附片 米炒南沙參 煨草果仁 玄胡索 桃仁泥 五靈脂 生箱黃

製沒藥 酒浸地鼈蟲(取汁兌服)

又三診 前方去藿梗杜仲加炒枳實箱黃分量改重(後下)

又四診 案載前方今不復述惟望逐步應手不致再生枝節爲幸

當歸 土炒白朮 杭白芍 撫川芎 雲茯苓 建澤瀉 炒枳實 粉甘

草 玄胡索 金鈴子(巴豆霜炒去霜用) 生熟蒲黃(各) 五靈脂 荷

葉包陳米

又五診 服前方寒熱已止腹痛已減惟塊未小反覺滿腹膜脹不安心飽氣悶舌

苔薄黃脈象兩部細小無力此乃赤白帶日久肝脾腎三經大傷今先擬濟生腎

氣加味然否候 政

紫油肉桂 淡附片 眞山藥 山萸肉 熟地黄 白茯苓 建澤瀉 粉

丹皮 懷牛膝 車前子 老蘇梗 川厚朴 老韭根 雄鼠糞 調中益

氣丸 香砂胃苓丸(同包入煎)

沈石 前進滋陰降火壯水以制陽光未獲效果竊思人身無寸筋不屬於肝無寸骨不屬於腎腎主水肝主木水足則木榮水虧則木槁理之常也蓋水虧則木旺木旺則土虛土虛則生濕濕與熱合鬱伏土中不得外泄故蒸熱夜重四肢尤甚而痛而腫而攣而枯四肢者脾也脾與胃爲表裡脾虛不能爲胃行其津液則四肢不得稟水穀氣日以益衰古人治痿獨取陽明且時有胸悶膈滯食旨不甘等證中虛不運顯然非取陽明而何若但專責之於腎宜乎不效也經云陽氣下陷陰中則發熱濕熱鬱於脾中亦發熱也今宗陷者舉中火鬱發之之意擬東垣清燥湯舉發而兼顧之總之病久根深難於驟效然亦必希漸進乃爲幸焉

蒼白朮(各) 炙黃耆 太子參 炒黃芩 廣陳皮 鱉血炒柴胡 土炒

防風 鹹水炒川柏 茯苓(各) 秦當歸 粉甘葛 炙甘草 炙升麻

杭白芍 六味丸(包入煎)

又二診 前方去防風粉甘葛炙升麻加羚羊片(另煎兌服) 天麥冬(各)

珍珠母 左牡蠣 敗龜板(三味先煎代水)

高右 肝膽陰傷脾胃陽弱肝有熱脾有濕濕與飲搏入心為悸溢於皮膚筋惕膚

瞶挾肝陽上擾為眩為暈陽虛失於外衛則自汗飲邪困中則食不甘擬方兼治

之

硃染茯苓 川桂枝 白朮 粉草 製半夏 廣皮 枳實 明天麻 雙

鉤藤(後下) 霜桑葉 杭菊花 生黃耆 薑汁炒竹茹 紅棗 生薑

藥按書云暴病多火怪證多痰良有以也痰之為病變幻多端罕有處手而識其

爲痰哉曩治某婦產後心悸不安筋惕肉瞤莫可名狀聞聲則虛甚數日不起榻該地醫生作血虛治影響毫無病日加劇迺業師治視之精神不乏身體不瘦若無病狀遂知其爲痰也用苓桂朮甘湯合真武湯兩劑而瘥豈十全八珍四物四君養心歸脾等而能愈之者耶此固業師閱歷之深抑臨證辨別之神也

李童 脾土不足中陽不充日久傷及陰絡於是便後帶血蒸燒食旨不甘胸膈不暢似有物阻此乃大氣不運濁陰竊居之象肚腹漸大土虛木侮之形擬方兼治之可也

生熟地黃(各) 杜阿膠(溶化和服) 淡附子 土炒白朮 粉甘草 炒
黃芩 西當歸 南沙參 炮黑薑 川雅連 製半夏 鮮薤白 赤豆皮

伏龍肝(先煎代水)

又一診 加槐花炭地榆炭荷葉包陳米

又三診 去川雅連製半夏鮮薤白加赤石脂(包)養血歸脾丸(包入煎)

李孩提 溫邪化而未透白痞未齊蒸熱不斷腹膨苔薄底絳脈急紋紫神迷邪熱

甚重漸入心營加之痰滯蘊蓄上焦蒙蔽清陽症勢甚重人小謹防猝變勉方盡

力以待天年

薑製川連三分 陳胆星三分(和服) 飛滑石四錢(包)

硃染蟬衣一錢 瓜蒌皮一錢 白蕊仁三分(後下)

九節菖蒲五分 磨青皮四分(和服) 萊菔汁半杯(和服)

苦桔梗錢半 象貝母錢半 苦杏仁錢半

炒枯芩錢半 磨鬱金四分(和服) 粉甘葛錢半

製半夏錢半

劉孩提 瘡後陰傷陽不潛藏右牙齦漸爛時而流血口有臭味並不甚痛已經多

日肝胃之熱龍雷之火上炎固屬無疑然服蘆根石斛之品未獲大效未經大劇而舌苔淡黃水滑脈象兩部小弦而軟又非實熱之形今擬寒因熱用引火歸原之法一試進退愚見如是然否當候 明哲裁酌

肥知母五分

雲茯苓錢半

杭白芍一錢

淡附片五分

眞川藥五分

粉丹皮錢半

軟柴胡五分

藕節三分

鮮生地錢半

山萸肉八分

炒黃芩錢半

上油肉桂三分

外吹腐處藥

人中白四分

玄明粉四分

西牛黃二釐

冰片五厘

共研極細以無聲

爲度

又二診

前方去柴胡鮮生地白芍萸肉改錢半附片改四分加淮山藥錢半大生

熟地各一錢淮牛膝錢半大麥冬錢半一劑而愈

〔未完〕

讀內經隨筆二

周源逢儒

內經十八卷載漢書藝文志而歷代考據家以其語氣爲漢時文字定爲漢時作有以爲秦時戰國時作其考證各有所當然衆說紛紜莫宗一是以余反復詳求亦不能據一說以成定讞何則因其引證之書亦有真贋之疑故不足據爲信史也余考之歷史春秋戰國之際賢材薈萃學術研究可稱爲極盛時代非僅醫學一端則內經古之醫書多半爲軒岐經驗之語歷殷周春秋戰國之醫賢偶以其心得單詞片語附於其中而仍軒岐之名故文勢堅峭卷帙浩漫異乎五經之簡約讀者不察以爲秦漢人之所撰也史記倉公傳言「傳黃帝扁鵲之脈書」又「謁受其脈書上下經五色診……」今內經中數數引上下經語倉公論脈及病理則合乎內難經者仲聖傷寒雜病論自序亦云撰用素問九卷八十一難則內經難經皆古醫書明矣卽假定諸家所論爲秦漢時人所作至今亦已二千數百餘年以二千數百餘年前

所言已有如此博大精深其中尙有最古之醫學說存在（卽軒岐）古時注重醫學概可想見此內難等書不可不珍重寶貴也吾儕讀之毋摘其片辭之謬誤而斷斷辨其質真當以其中經義發明新學理與西哲抗衡謀醫學之進步爲志則大矣

陸九芝論吳又可瘟疫篇書後

張山雷

瘟今從疒不見於說文玉篇并不見於廣韻至集韻始有之注曰疫也據此則瘟卽是疫非溫熱病之溫斷不可以溫熱是病名而誤認瘟字爲溫病之溫也吳又可書名瘟疫而今時吾吳俗諺亦恒謂疫病爲瘟疫蓋以瘟疫二字複疊言之意者吳氏當時已有此語因而從俗定名欲其婦孺咸知似亦未可厚非但疫邪傳播確有寒疫熱疫兩種又可之論專論熱疫是據當時所見之疫而云然本與寒疫無涉（乾隆時余師愚治疫重用石膏亦是熱疫）按之瘟字本義似乎書中漏却寒疫一邊殊未完備然文字之學明人素不研究何可以求全責備於吳氏九芝封公改題書

名爲溫疫是小學家攷訂字義而云然初非吳氏所及料然頤則謂溫是溫和溫暖之義溫和溫暖尙不至成爲疫癘若疫邪則惟大寒大熱之厲氣乃能沿門傳染遍及一方又可當時洵是熱疫陸氏僅以瘟溫同音而改之於書中病狀尙未熨貼頤意求其名正言順尙須爲吳氏之書改題熱疫論方能一望而知尤其醒目僅僅改瘟爲溫則常人見之尙多以溫瘟爲同字未必注意且按其實在病情亦非溫和溫煖之症九芝此論旣未免書生咬文嚼字之結習似不如仍題瘟疫則世俗之人尙無不知瘟卽是疫特非九芝意耳

莊在田遂生福幼編書後

前 人

痘乃先天之胎毒驚爲木火之鴟張以普通病理言之痘宜清解驚宜潛肝決非一例溫補可收全績但病變無常始末殊轍亦萬不能固執小兒純陽一說概與清涼此在閱歷功深見證透澈者自能因物付物不拘成法而尋常學識短淺之流偏執

一見鮮不誤人矣古今治痘名家或尙溫補或主清涼各守一途幾同冰炭已具見於九芝世補齋文六氣大司天第二篇中各隨其當時所見之症而云然確是天地之氣化不同民病之陰陽有異見病治病不得不然夫豈諸名賢之好持偏見莊氏遂生福幼二編書成於乾隆中葉惟時在九芝封翁之所謂七十五甲子大陰濕土太陽寒水令中民病本多濕寒所以專事溫補多獲全效與陳文中萬密齋聶久吾諸家同符合軌而與朱丹溪汪石山費建中書背道相馳均爲一時救世之實效皆學者不可不讀之書須知其所以異者卽爲對症用藥之正鵠要不可與孤執一見自以爲是者所得同日而語也九芝補出初傳末傳兩層則同此一時之病亦自有此宜清宜溫之兩途尤爲閱歷有得之言果能悟澈此中真理而善學之庶乎兩者皆是吾師臨症處方自然活潑潑地若曰古人成法各具一長吾輩習醫宜趨中道則非通人之所敢許矣

書嚴癡孫女科醫藥選粹後

陸錦燧

醫藉夥矣閱之不盡僕是以有取各書作節要之想且我所欲言皆古人所已言但能抉擇錄出簡而且明豈不誠善敝處擬輯醫案選醫方選兩種知凡病無不有寒熱燥濕表裏虛實之異也故所定體例於每病中之原因異者無論症之常見罕見俱選一二方案比類自能啓人智慧女科書罕純粹者惟沈垚封女科輯要爲佳而其書卽於不純粹之各書摘出述而不作條條精當今嚴先生惠我退思廬醫書四種合刻內有女科醫案選粹讀之先得我心試卽其選以論之同一經病也葉香巖案以脊脊常痛入夜病劇天曉安然而辨知肝腎奇脉陰虛陸養愚案以脉沈弦而滑右關尤甚而辨知氣滯痰凝王孟英案以能食便堅痢不兼糞先痢後乃汛愆而辨知病由滯下陸養愚案以脉左盛於右而辨知氣少血多氣虛血瘀又案以四五鼓時其熱更甚而辨知少陽鬱熱氣衝塊升葉香巖案以久嗽背寒晨汗而辨知鬱

傷肺脾之陽汪石山案以腹痛日重夜輕而辨知陽虛陸祖愚案以脈來有力服辛
溫藥咽喉增痛而辨知血虛有火朱丹溪案以詢得乘怒飲食起病未閉時經黑作
吐痞塞不食食而辨知怒火食積交併俞子容案以吐血體熱如炙而辨知氣火上
衝沈垚封案以醒時下體惡寒憤時牽被斂衣而辨知精血兩虧此皆辨證爲先不
泥於經不調先期後期爲速爲遲經不止經閉經逆經痛而用通套方者同一崩漏
也葉香巖案以形瘦膚乾畏冷而辨知衝任陽虛而津枯又案以腹中熱腰膝跗骨
皆熱久崩而辨知衝任陰虛而液槁沈垚封案以日服人參阿膠崩反不止而辨知
血室蘊熱孫文垣案以心頭脹悶不快而辨知濁痰凝滯此亦辨證爲先不泥於暴
崩久崩新漏久漏而用通套方者同一妊娠也盧不遠案以脈兩尺滑搏而辨知嘔
吐之爲惡阻趙晴初案以脉細弱之中有動滑象而辨知有孕陸肖案以詢得病起
於驚而辨知氣亂痰湧胎因上衝陳良甫案以舌色不青而辨知胎尙無傷喻嘉言

案以尺脉濇肉色青腫而辨知胎已久壞徐靈胎案以舌腫如蛋色紫黑而辨知毒火衝心上聚於舌顧曉瀾案以脉弦滑詢係口角鬱怒起病而辨知氣鬱生火繆宜亭案以胎動詢得未曾下血而辨知邪在氣分雷少逸案以七月肺經司胎音啞而辨知燥氣侵肺馬元儀案以脉關尺沈細下半徹冷而辨知火衰土困施笠澤案以脉沈滑數而辨知痰火相搏關格屬實此亦辨證爲先而不泥於惡阻胎動子懸子淋等之通套方者原書再有帶下半產難產新產產後各門尙未條摘隨後當再拈出總之辨證以治病可卽此悟彼不必拘於某病如是以推他病亦復如是也嚴先生此書豈僅有功於女科哉使醫家做此體例將古今醫案均分門類輯之而刪其證候不明者不亦大有益於臨證耶

內經四氣調神大論今義

甘棠徐韻英

四氣者春夏秋冬四時之氣也四氣調神論者論時序以調人身之元神也此

篇專講養生之法乃驅病魔延壽命不二之法門故古聖人與四時合序和其性靈悅其心志隨時消息則苛疾不起百歲始終無非四氣調神之特效也若此四氣調神論之功用有益於人身豈淺眇哉 韻英又案神者性也造物無方靈變莫測之謂神凡人聰明睿智寬裕溫柔齊莊中正發強剛毅文理密察皆此神之使然也故聖人首論上古之天真夫上古之人天真之性何以而能悠久者則在四氣調之耳故次曰四氣調神論嗚呼古聖人立義之精也如此

春三月此謂發陳

韻英謹案春爲一歲之首向居於東當此時也陽氣上升陰氣潛伏草木抽乙萬物資生慘凜枯悴之形由比而萌孽矣故曰發陳發陳者啓故從新之謂也律志曰「少陽東也東者動也陽氣動物於時爲春」故君子當審時氣節宣調

攝以衛其生

(未完)

眼科內障秘訣

山東諸城王肖舫

內障虛熱也純係肝肺虛熱攻冲腦部日久不降腦絡發炎腦油下注於眼球之水
晶體蒸騰液混或白或綠不等神水游走神光不斂或散大或椒小或枯黃或枯白
各書雖云不治如未經藥誤亦有可治者至於金針可撥割切可去者乃是內翳非
內障也蓋壯者瞳人如墨明察秋毫之末虛者瞳人如霧難辨小字之行極虛者瞳
人散淡而綠一舉一動目前如垂蟻懸珠虫飛蝶舞若年至六十七十氣血既衰理
宜然也若年僅二十三十而現此象非房事過度卽酒賭偏傷倫不加保養之功則
漸入盲瞽之鄉矣治此症不宜劇用補劑恐助邪火上行爲病更甚必用藥清開去
盡邪火再行滋補更不宜劇用寒涼冰住熱血用藥必以清腦熱養陰鎮逆爲主要
切忌苦寒各藥雖有多病兼見以發生眼病之因爲主症比方因氣腦而病眼者無
論有何等各病總以氣惱爲正病氣平病除自無誤治近代公民昧於衛生病虛熱

及臟毒者十有八九病虛寒者事無一二滋補固不宜早苦寒更不可見也

再歸熱

和縣高思潛

再歸熱，熱性傳染病之一也。熱候在四十度至四十一度，五日至七日後，發汗，熱爲分別的下降，諸症消退。又經五日至八日後，二次發作，亦如之。又經四日至五日後，三次發作，又如之，間有四次者。然發作三四次者較少。

本病，或譯曰回歸熱，以其在飢饉時，流行較盛，故又名飢饉熱。世之次中西病名對照表者，以爲此卽中國古醫書所謂差後勞復之類。案差後復病，無問內傷外感，是傳染病，非傳染病，皆能致之。而其致之之原因：則有由勞動者，有由飲食者，有由房室者，有由感冒者。再歸熱之再發作，卽無此等原因，亦依然如故，可見再歸熱之非卽差後復病矣。

余以爲再歸熱之病，在中國，惟吳又可及王孟英二氏所說者，差爲近之。吳又可論瘟疫曰：『問有表而再表者，所發未盡，募原仍有隱伏之邪，或二三日後，或四五日，又依然如前發熱，然亦希有；至於三表者，更希有也。』有裏而再裏者，愈後二三日，或四五日，依前之證復發，再裏者，乃常事；甚有三裡者，然亦希有也。』若表裡分傳而再分傳者，此亦常事，至於二發者，亦希有也。』此即再歸熱病。王孟英論溫病伏邪曰：『更有邪伏深沈，不能一齊外出者，雖治之得效，而苔舌淡之後，踰一二日，舌復乾絳，苔復黃燥；正如剝繭抽蕉，層出不窮，不比外感溫邪，由衛而氣，自營而血也。秋月伏暑症，輕淺者，邪膜原，深沉者，亦可如此。』此亦再歸熱病也。

論痲症

諸暨何志仁

按痲之一症余考古書及治驗無非陽毒蓋陽者風也燥也熱也今自開冬已來天氣燥熱賊風驟起且來年厥陰風木司天少陽相火在泉不免有痲症之預防焉夫痲之名稱各異有言糠瘡者有言疹言瘡言痲者然痲本陽毒原不殺人因其苦無專書可考法無定旨御定醫宗金鑑張君景岳全書雖有明文乃言簡而意該義近而旨遠非易明也總之痲出於肺歸重於脾原係胎毒與痘相同但痲屬陽而痘屬陰治法異耳其爲證也亦類傷寒惟目赤腮紅眼胞浮腫噴嚏流淚咳嗽不止者是其候也此是火熱刑金治宜清解（如荊防柴葛升麻黏子）之類使火退痲出點色鮮明身熱漸退無餘症矣或其大熱不退點色焦黑飲食不進神氣不安腹痛泄瀉此乃火毒亢甚急宜涼解（如芩連梔柏生地石膏之類）使火毒解肺氣清則轉凶爲吉矣蓋痲症原耗陰血惟宜養陰補血清火潤燥爲主切忌消陰補氣苦寒香燥之品如悞投之禍不旋踵或有不明此理見其發熱妄爲餘毒未盡卽以辛燥風藥

投之見其下痢以爲毒鬱陽明即以香連檳榔投之見其不食投之參朮查芽見其驚搐投以全蟲麻黃見其喘促投以枳實瓜蒌沉香杏仁不知此乃燥血之品使陰血愈虧陽火愈亢以致夭殤者不可勝舉焉殊不知下痢便血者陽火燄而陰血溢也喘促有痰者陰血虛不能配於浮陽也不食者火燄土燥也驚搐者血虛生風也以上諸證皆血虛所致是以痘後養陽麻後養陰白世之秘典也

傷寒傳足不傳手辨

前人

或有謂手足二經截然不通足經所屬水土與木手經所屬火與金也言水遇寒而冰土遇寒而裂木遇寒而枯故寒易傷之金遇寒而愈堅火遇寒而遂却故寒不能傷噫此何說也非荒誕不經惑世誣人之言也是何可以不辨夫五臟六腑十二經脈氣相輸絡相通豈有傳足不傳手之理乎如以金遇寒而愈堅則寒之傷人先由皮毛皮毛合肺是手太陰辛金已先受邪矣如以火體熱而却寒則陽氣怫鬱舌蹇

言妄是手少陰丁火已先受邪矣且經有云人之傷寒則爲病熱既云病熱自無水
水土裂木枯之說而有金燂火坑之徵矣由斯以言則傳足不傳手之說非特荒誕
不經是醫者之論日可笑實可歎蓋人不能一身爲二截氣血流行於周身安有邪
遇之而不傳之乎前聖言傷寒以足經爲主者是足太陽寒水之經爲諸陽之主氣
一身之綱維是可該手而手不可以該足非不傳手也前聖之言豈欺我哉如不我
欺不可以不辨

覆徐召南君

和縣高思潛

召南仁兄同志前接惠函敬悉一是謬邀誇獎愧何敢當當時因臥病在牀纏綿未已致稽答覆歉仄殊深 令親前服某君之方未能大獲效果實因慢性痼疾驅除不易鄙人所擬亦不過聊備一方耳血證論之豈根查各種本草並無此藥因攷葛根有治血之效或卽葛根之誤亦未可知前所答 尊問星刊一百十六號第五頁中排第十七行下脫去一行爲夏則不耐日光射擊所發生之中暑十四字附正於此 大著脫離陰陽五行如何才能達完全之目的乎一篇對於剷除陰陽五行問題定必有具體辦法鄙意以爲陰陽五行實中國醫學致命之傷微論宗教的神話不容存留於科學世界之二十世紀卽以一持萬泛應曲當眞學問中亦斷不至有此等便宜事也自海通以來中西醫學已由接觸時期而至於衝突時期矣以宗教的符咒與科學的槍砲宣戰其勝敗之數雖非明哲亦可前知然則中醫前途寧可

欣幸近者內部頒布取締管理二令實隱然具淘汰之徵倘從茲而不急起直追務
引導之到科學之路而後止則惟有坐待淘汰已耳夫時至今日以言改進已稍嫌
遲矣而尙有人焉作種種欺人之語爲陰陽五行之辨護士不惜破壞改良阻撓進
步斯則頑固不通之尤者也 大著想已脫稿尙望早日露佈俾獲拜讀實深榮幸
專覆順頌 診安 夏五月十一日教弟高思潛上

覆張壽甫先生書

和縣高思潛

壽甫先生鈞鑒黍承不棄惠我好音不學如潛猶蒙誇獎仰見勸誘後進之心昭照
若揭此尤足令人感佩不忘者也潛少年意氣不知斂抑誦讀之餘好生議論實緣
膺守公開之訓而深惡自私自利之爲人故每有所得輒筆之於書公之於世意欲
藉茲引玉以爲攻錯之資醫林大雅不呵責之已爲厚幸更許爲同志慰以好言益
滋愧矣醫史社承加入並蒙援助實深榮幸編輯醫科講義之舉慨然引爲已責足

見熱心不知現在已着手進行否尊意先從何科入手採取何種方法以編輯之尙望宣布俾同人有擔任斯舉者可取作南針也大著醫學衷中參西錄四期本聞已在增訂中但何時出版可得先知否肝左脾右之理潛本擬作平議一篇以說明之近讀山西醫學雜誌見有楊趙二君之脈法原理一篇根據張隱庵互換之說說明肝左脾右之理大意謂肝之形雖在右而肝與胆合脈氣實向左行脾之形雖在右而脾與胃合脈氣實向右行譬如機器左邊機輪而向右轉右邊機輪乃向左轉其間自有作用云云此說警關至當可輔尊說之不逮古聖之言因之大白潛之平議可擱筆矣石膏一物確有退熱奇效先生竭力提倡實爲高見去年予祖母高年患痺瘡熱勢炎炎有燎原之慮予與某醫合議存陰撤熱法予主加石膏某醫因受東醫化謂石膏無用而主加阿斯必林卒取石膏兩許加入一劑熱退瘡止可見石膏功力之宏紹報某號刊中先生曾言西人已了解石膏功用將作石膏論一篇以闡

發之務希早日發表俾得聞所未聞不禁拭目待之再者鴨蛋子本爲僻藥經先生提倡始見重於世惟有不能不容疑者請爲先生言之今年春間敝友王君因嗜酒而病淋後兼淋血服某醫藥血雖止淋猶故也予用先生法治之未見效果豈該藥只能治淋血而不能治非血淋耶抑對於花柳毒淋有奇功而濕熱之淋非其所長耶尙希詳爲解釋不勝盼望專此敬頌 道安 高思潛頓首舊五日廿四日

覆黃惺齋君

和縣高思潛

惺齋仁兄同志兩月前接讀惠函時因正在病中未能答覆後又惠一明信片其時賤恙雖愈而手指無力操筆維艱迨至今日始能將逾寸之積函一一裁覆稽遲之罪尙祈諒之鄙人學問空疏毫無建樹謬加誇獎愧何敢當足下既精醫學復具熱心建立醫科學校設藥圃創醫書館不惜破囊捐資慨然以培植人材改良醫學爲己任橫覽並時醫界能有幾人佩甚佩甚貴校之醫藥科組織若何課程及分配若何

是否採選科制學生現有若干統望見覆倘有應益改進之處則雖細微亦不敢隱以鄙人對於足下所創設者頗具希望故也拙著中國地理病學爲不經心之作可置勿論若中國胎生學雖頗費數日之思但現已覺其簡略待增之處甚多擬重加編輯擴充爲一小冊惟秋風涼後方能從事耳貴校對於胎生學教本採及拙著恐粗疏之學不能勝任但現在中醫出版界尙無胎生學專書以拙著暫行充當似亦可變通辦理屆時編輯完竣卽錄清本寄至貴校以備採用版權之事決取公開印成之後酌贈數份足矣書修堂醫學叢書爲丹波元簡及其子經等所著湖北楊守敬先生遊日本購歸刻之據其序所言實中醫最精最當之書兩年以來求之不得醫林有此書而不克一讀誠負負矣鄙人發起之中國醫史研究社原意欲公同研究冀收切磋之益但現已感受困難致李慰農君函中曾言及之承蒙贊助加入毋任榮幸入社方法只須錄履歷一紙此外無有也陰陽五行實中國醫學進步之唯

一阻礙物陰陽二字猶可表示病性藥性不妨限制存之若五行生克之談毫無根據二十世紀豈宜有此等神話吾人卽而醫界亦應羣起而攻況局中之人有切身關係者乎足下之言實獲我心想教授之際必堅持此旨也專此佈覆不盡欲言講讀之尙希垂教順誦 教安

夏五月中旬教弟高思潛謹啓

致周小農

劉蔚楚

小農先生台鑒拜奉大函過取獎飾感愧交榮然既叨垂愛之深茲有冒昧陳述者弟草角忝列膠庠詩酒放情不知自檢十九歲得嗽血重病下患夢遺中西醫至垂危幸得楊公來儀竭三年之力治愈弟悟浮雲富貴身命爲重遂拜爲師而勉習醫術自保其生親友病有疑難不相曲諒強以施治偶有微效求診者因以漸多是時年甫廿五六耳父兄世爲福建太平行茶商弟遂往來閩粵之間求診者閩復如粵

生拙著有修訂本草求真

發摠所見錄

醫案摘要記民國兵燹所有書籍記錄

一概蕩然感傷無限小兒伯村在京以廣東變亂迎養京師去冬見時局糾紛伯村辭官來滬從事律師弟亦不得不隨之南下歲杪到上海今甫兩月征塵未息應接頗忙世變曾經年將六十心灰意懶勉作應酬然西學東漸以後講中學者日見稀微今聞紹社各位耆賢提倡醫道而且中西交匯秘本搜羅上紹軒岐開後學中國醫術之賴以不墮而挽救羣生者其功德豈淺鮮哉（下略）

復劉蔚楚

周鎮

手示聆悉 先生幼年患瘵楊公儀治愈之方法可以追錄以保留國粹卽 尊著之書亦宜抄錄副本以資研究遇有機可以付刊現今血症虛勞甚多中醫治法意可延年至花甲以外難能可貴之治驗不可不傳也（下略）

按劉君現寓上海廣舞台後祥餘里三弄二家

致周小農函

陸錦燧

小農先生大鑒日前接奉 手書具讀一切山西醫會曾寄來雜誌一期頗多可採之處以事冗尙未作復第二期未見寄來敝處亦將所刻緡溪各種醫書寄書局爲日已久亦未接到復信未知其收到否西醫實在不如中醫之精邃即如以金雞那治瘧六零六治梅毒皆有速效皆有後患而潮流所趨卽在於立時有效多深信之亦却運使然中醫亦淺陋者多深造者少弟歷觀南北醫家無論其偏寒偏熱固一大弊而用之方皆用成方能加減者甚少卽能加減亦仍是用方以開方並非用藥以立方必先研究本草於各藥之性味功用宜忌瞭然胸中此番功夫定省却矣故所開之方從未見有一古無此方別成一方者先生以爲然否質諸同道斯語確乎否乎(下略)

答陸晉笙君書

周 鎮

晉笙先生台鑒接奉 賜書聆悉一是(中略)至西藥金雞那治瘧敝處曹翼臣君

探討西籍并實用此藥已久亦云瘧症確有六淫之別金鷄那於暑熱之瘧不宜且兼暑風咳嗽者亦大忌此味堵截云大約西藥可以捷效有無流弊或不暇計 貴友徐琴舁君來函云及近年症多凶烈傳變迅速不得不參用西法據稱片力丁產科注射液可治難產已試驗四十餘次產褥勞連瑣球菌注射產褥熱已見捷效大約西法捷效即令人信用之大端

尊論中醫用成方不知加減之弊由於不研究本草性味功用宜忌精確之論凡同道者應奉爲金科玉律也(下略)

覆王秋菘

陸錦燧

秋菘先生惠鑒接奉 還雲備論一 是前承愈我叔和先兄至今三十四年矣醫話中刻大號爲松亭誤記誤刻疏忽奚辭再板時必爲更正大部取締中醫事雖然暫緩必將復行趁此閒暇必當醫界集資各處多立醫會藥界唇亡齒寒想亦深明此

理資本較充宜各處相助多立學校並早部立案是未兩綢繆之計勿令死灰復燃時必更加厲茫無以拒也 尊意刪增本草誠善誠善竊有鄙見近今醫生所以不能深造者由於能用方而不能用藥譬諸作制藝老刻文橫亘胸中斯不能自作佳構卽或知有用藥者亦記某藥能治某病而不予藥性之礙於證者細細推求譬如作制藝者能用類聯而不能運用典林但知其好處而不究其壞處是以多誤如將本草分辛苦淡甘鹹酸爲六大類以肺心居上焦肺如門戶外感五氣皆先犯肺故先辛心與肺隣苦次之淡利竅滲濕又次之大致外感及實症多用苦辛淡故列於前脾胃居中焦甘次之肝腎居下焦次之酸更次之大致內傷及虛症多用甘鹹酸故列於後再寒性熱性爲兩大途燥性濕性爲兩大途譬諸四分再分別升降散斂浮鎮滑瀉分以細類倘苦辛兩性相等者載於先入辛類苦多辛少者卽入苦類大苦者大辛者卽另分一類如此縷分大有裨於醫家以藥之治病總不外此性味兩

者也且藥不必多綱目加以補遺已一千數百種無用者多近人本草從新藍本於
備要而青出於藍然無用者亦十居其二可用而未收入者亦尙有一二十味尊著
能倣此卽據從新輯成一書否倘以爲當將刪去從新之藥暨應加入之藥開單呈
閱每藥下但須載明入何臟入何腑入經入絡等及主要之用途斯書簡少而精要
矣 察之 令兄斗槎係在蘇老友在滬一晤又已十年不通音問又有賢昆季名
廷材在部曹者均祈 示及近狀韓半池係我老友晤時問候聞伊少君醫況甚佳
未知何號得便亦 示及手此環復敬頌 道祺 弟陸錦燧頓首

覆湖南劉君叔蒞

葉勁秋

鄙人於庚申春偶與友人經拋球場至一所比及門則已雲烟繚繞香氣相鼻矣友
曰此卽打坐參道之同善社也強余入社余見乎孔子老子釋迦三教祖合繪一像
高懸中堂且系靜坐修身之所入社亦無勿願也遂簽名後隨衆對像叩首約計白

數予亦不惡繼則出一紅紙紙上之文已不能復記似有父母妻子亦不能宣此否則當雷殛等字樣命予讀一過又出兩紅紙折疊甚小命予取其一展閱之一「准字後又教我打坐之法予既入社意甚不悅鬼鬼崇崇難免生疑且對於該社多有不明處所以從未打坐過一次該社既名同善自當開誠布公同歸於善且各報曾有披露該社之非是今 先生云「：此事關係性命之學不可不一研究也果能靜坐煉習則將來真氣凝結自有團聚不散之境界靈魂飛躍不束縛於火坑地獄中仙佛神怪浩氣千古此道其權輿也懇勸即日向同善社求道打坐日後自有無窮妙處」未審 先生已到第幾步功夫此中真相究竟可以語人否 先生既諄諄致囑當先破我疑團然後誠心靜煉將來或能達神仙化境則關山雖遙而吾之靈魂未嘗不可常弛左右先生既願結合世界人人之精神而欲篆成上天之祥雲甘露則天上雷火諒亦不懼也此請

叔純先生台鑒

葉勁秋上

寄周小農

盧則鍾

小農先生有道鑒仰慕 斗山匪伊朝夕未親 雅教常切神馳回憶曩年承錫雲箋並惠贈集驗方等書拜領之餘敬銘心版近閱紹報載有 尊問醫學書目足見長者抱道在躬靈懷若谷令人折服之至竊謂醫書一節亘古及今四千餘年歷代名家著作幾如汗牛充棟刻下世界又加西醫輸入新印譯本尤屬繁多而海內諸賢所著之書前層出不絕今日坊間出版界中可謂醫書極盛之時代矣育家道寒素購置甚少言念及此殊深抱憾今不揣謏陋謹就平日所知之醫學書目約有千餘種錄出百種藉供台覽其餘之書目久知

先生熟爛胸中更不必贅述矣 再啓者敝隣某婦因夫吸烟蕩產氣鬱胸中上年患腫經醫治愈現因夫故悲哀傷中舊疾復發腹大如鼓腫至胸部臃脹不能納食

諸醫主以行氣利水服藥數帖毫未見效轉就西醫用藥水藥粉亦不見功頻增喘咳不能平臥神倦脈弱奄奄待斃適有一農人某爲之入山掘得鮮草藥一握（據云狼虎草）用根二兩煎水服之俄頃腸鳴腹痛上嘔下瀉所出之物均係黏水痰涎扯之不斷隨覺腹中鬆快腫消一半能進稀糜隔數日又用草根六兩煎服吐瀉如前腹腫全消育目擊此種草根如此神效勝於舟車瀋川今特將該草原樣寄上（惜根已用盡僅存莖葉育日前曾嚼其根味極苦而汁頗黏）不識此草是何正名藥物書中可載及否素稔

先生家學淵源博聞多見務祈惠教請登入紹報是爲盼禱專此祇請道安

逢儒世兄同志進步

社愚晚盧則鍾鞠躬夏歷五月十日

復盧育和

周鎮

承示醫書藉知他色書籍之不經見者感感不佞之徵求雖未明言除去蘇滬書坊實則最近之處早已知悉惟驗方必須草藥之正名如無正名（即綱目拾遺不載者）必須將藥之長短形狀山草芳草濕草蔓草水草或香木喬木灌木以便將本草查檢可入驗方否則難以採入 尊來之草樣一時尙無考實正名又恐誤會可否請 台駕將鮮草及根形狀書明再登星刊爲盼

先生閱後可否將此燕函及書目轉寄紹社行止均請
鴻裁又申

問醫書必須研究者

曾炳棠

小農道長先生閣下紹興醫報敬悉

先生有臨產須知集驗方兩種廣告分送湘茲遵附六分郵票仰祈

惠贈一份爲感再者晚自今春購得中醫雜誌山西醫藥雜誌紹興醫藥月星等報

以來藉讀

鴻著獲

教良多竊幸其天予我以求學之機也第晚壓綫於茲聞見貧乏雖自策勵留無粒黍增斯道之難他且勿論卽醫書一門汗牛充棟就令後學興望洋之嗟晚茲欲購醫書數種苦於不知採擇拜懇

先生將晚輩研學必備之書目多錄幾種總列一紙夾置上項 惠件內一併郵寄
(岳州上街河口久大精鹽公司晚收)俾得遵循不勝拜禱荷戴之至想
先生道德在抱普渡羣生或不以愚鈍瑣屑

見斥幸甚肅此順叩

德安

晚愚曾德湘頓首

答問醫學切要之書

周鎮

茲查唐容川中西匯通五種（醫經傷寒金匱淺注初學易於領悟）徐靈胎八種之難經注頗佳溫病如葉氏外感溫熱論吳氏溫病條辨何廉臣訂之廣溫熱論曹炳章之濕溫時疫治療法俞根初通俗傷寒論嚴鴻志感症輯要雜病如張氏醫通馮氏錦囊藥學如本草從新本草綱目本草拾遺用藥禁忌書辨症如瀕湖脈學外候答問病症辨異時疫如溫疫明辨霍亂論婦科如濟陰綱目胎產指南胎產心法嚴鴻志女科三種幼科用幼科要略（臨證指南附）幼幼集成痲疹集成痧喉如疫痧草囊秘喉書溝通新舊學理深邃有醫學衷中參西錄（張壽甫著奉天大東關立達醫院價一元六角（下略）

寄周小農商輯古今醫書節要

陸晉笙

（上略）讀書之道在明悟者即此悟彼讀治寒之書卽可以徹治溫之理而世間中材以下爲多反因此而誤用燧因思輯古今醫書節要一書與閣下商榷之醫籍多

者者爲圖書集成中醫類但將衆書分門統編其次爲吳勉學之醫統正脈則自內經以至陶華所著仍各歸各書如皇清經解之例然不及集成之多燧擬取各書均刪繁就簡各節其要俾閱者得以各書俱窺豹斑否則無力多購書籍之輩一知半解未能會通卽能購書者亦以汗牛充棟未能全覽是以編教科書一節難乎其難所編恐仍非善本但卽就燧說已非易事善讀書者無書不善書書均有至理但皆就一方面言之耳如將各書俱輯其要而彙刻之譬諸聽訟豈非兩造所說均瞭然於胸以病合之可知於此症則此是而彼非於他症又彼是而此非自無誤治惟書多矣一人爲之仍難竣事當今不偏一說之明醫究尙不少如能合志各認數書刪之節之務求其當以少爲貴匯而刻之則旣便初學亦不復有傷寒郎中溫病郎中之稱互相謾罵矣何也醫理本無乎不通其互罵者猶是未能通之故也敢擬書式於下燧苦無暇閣下其有意總其成乎燧亦分纂之一份子也所難者分纂諸君宜

乎斟酌倫有名無實者濫廁其間識見不明或所纂不當又將奈何鄙意中能編此書者不過十餘人又或不得同意所以難也君蓋與明醫商之

書式（仍各歸原書編次勿依集成例

劉完素素問元機原病式節要原○卷地址姓名錄

一卷（此原書之卷數也依卷摘之不必贊一詞而去取卽在是矣……一條畢卽另行再摘但將原書逐次有刪無改無增耳

應刪者不僅間句間字及強詞奪理處也如黃元御以君子喻陽小人喻陰卽強詞奪理如內經論五運六氣其理甚精而數千年氣運推移以今甲子合之往往不合更立方以示後後人誤用多矣卽內經亦宜刪

傷寒論傷寒心下有水氣欬而發喘發熱不渴「服湯已渴者此寒去欲解也」小青龍湯主之此古人倒裝文法因其全書體例都以某某湯主之結尾故入所謂服湯

即小青龍湯陳修園謂寒去欲解水猶在解再服此湯誤矣仲聖原文不欲改可刪去服湯至解也數字雖傷寒論亦宜刪

傷寒脈浮滑表有熱裏有寒寒字聚訟紛紜仲聖書本非全帙何必曲爲之解宜刪內經寸口脈中手足上擊不可解疑則闕之乃能讀書不可強作解人且內經非完帙宜刪

燧尙有大部再續名醫類案未刊（此非陸定圃先生本乃燧所輯久欲搜定圃書而不得本擬閱過去其複否改我書名三續乃紹社有此而不刻未知何故燧書尙是鳳石叔在時預題書簽並未談及伊翁亦有此舉又曾詢諸麟仲弟亦云家中無此稿

復陸晉笙

周鎮

手書聆悉 我公具大弘願陶冶羣倫中醫前途之幸也惟刪書節要茲事體大如

多則累贅如少有遺珠之嘆昔梁武帝作通史上自漢之太初下終齊室破除朝代界限直接遷史劉知幾云其蕪索謂使學者甯習本書怠窺新錄云云以鎮才疏學淺尙不欲讀節要之書如陸九芝霍亂論摘要固一覽而知然覽時仍以王氏自編爲多且一人分纂不得時有商權邑人時醫多而遂於學者頗鮮孤陋寡聞非僅少暇又嘆才難更何敢云總其成拙意世學者譏評以內經難經神農本草爲焦點今請願

先生釐訂節要刪去不合之處卽由世兄輩起草將來駕素靈類纂內經知要而上之鄙人所樂觀厥成者也又各書分輯宜就各人擅長如鎮江袁桂生君擅於虛損及喉症則此二種之醫書可專責成不知同意否

先生可於紹報露布此旨乎 尊輯再續名醫類案渴望從速付梓爲盼(下略)

致諸道長函

竹餘祥

諸道長先生尊鑒古聖所著陽陰五行並非憶造必明乎內道有修心煉性功夫返神內觀自能洞悉底蘊今之醫士不明理由專重科學醉心西醫以爲陰陽五行可以廢棄斯亦管窺之見然吾國醫理既由陰陽五行立論當從而深求之探討之務必闡明其理始堪精益求精張先生壽甫妙悟其意屢發議論（如山西醫學雜誌第五期醫學宜參觀丹經論衷中參西錄喘息門吸升呼降等）而繼起乏人殊爲可惜近閱前清章虛谷先生著有醫門棒喝一冊（紹興裘吉生先生藏版）於陰陽五行大有發揮不愧爲醫界之當頭棒喝仰望

諸道長各置一冊互相研究則有功於醫界實無限量祥思中醫尙氣化非形跡所能推求非虛談所能探奧故聊貢芻蕘之見然乎否乎諸希

賜教是幸端此謹請

大安

竹餘祥上言